

ALGEMENE INLIGTING

OOR DIE SKOOL

TOELATINGSKRITERIA

Die voornemende leerder moet Afrikaans, wat die skool se voertaal is, sodanig bemeester het dat sy/haar onderrig en opvoeding nie skade sal ly nie.

ONDERNEMING DEUR DIE OUER

Ouers moet by die inskrywing van 'n leerder 'n vorm onderteken waarin u die volgende onderneem:

Ek/ons aanvaar:

- die etos van die skool;
- die akademiese standaard wat gestel word;
- die gesag en dissipline van die skoolhoof en onderwysers;
- om toe te sien dat ons kinders in die erkende skooldrag geklee sal wees;
- dat indien die bogenoemde onderneming nie gehandhaaf word nie, die leerder se voortgesette toelating tot Laerskool Elarduspark in herooringing geneem sal word;
- dat die skool skriftelik in kennis gestel sal word indien beeldmateriaal van die leerder nie gebruik mag word vir enige publikasie van die skool nie.

SKOOLURE

Graad R	Skooltoesig Maandag tot Vrydag	06:30 - 17:30
	Akademiese program Maandag tot Vrydag	08:00 - 13:00
Graad 1 - 3	Maandag tot Vrydag	07:30 - 13:10
Graad 4 - 7	Maandag tot Donderdag	07:30 - 13:45
	Vrydag	07:30 - 13:15

ALGEMENE INLIGTING

OOR DIE SKOOL

SKOOLGELDE VIR 2021/2022

Graad R: Die skoolgelde vir 2021 beloop tans R2780-00 pm (Feb-Nov).

Die kurrikulumfooi vir 2021 is R2800-00 pm. Tydens die Algemene Jaarvergadering van 2021 wat in die laaste kwartaal gehou sal word, word die skoolgelde vir 2022 vasgestel. Ouers wie reeds hul inskrywings by die skool ingehandig het, sal dan skriftelik in kennis gestel word.

Graad 1-7: Die skoolgelde vir 2021 beloop tans R1970-00 pm (Feb-Nov). Die kurrikulumfooi vir 2021 is R2200-00. Die skoolgelde vir 2022 word tydens die Algemene Jaarvergadering in kwartaal 4 vasgestel. Ouers sal dan skriftelik in kennis gestel word.

DISSIPLINÊRE KODE

Dissipline is van kardinale belang. Laerskool Elarduspark se gedragskode is opgeneem in die leerder dagboek wat aan elke leerder beskikbaar gestel word. Vergewis uself asseblief daarvan.

Dissipline Graad R


Dissipline word deurentyd gehandhaaf in Graad R. Indien 'n leerder verkeerdelik optree sal hy/sy vir 'n kort periode onttrek word. Indien 'n leerder se optrede of gedrag van so aard is dat "time out" nie werk nie, sal die ouer in kennis gestel word en die saak sal bespreek word. Goeie kommunikasie tussen die skool en ouers word gehandhaaf.

Dissipline Graad 1

Tydens kwartaal 1 word dissipline hanteer op 'n stelsel waar die kind gewaarsku word en waar elke onderwyseres dissipline hanteer soos nodig. Indien daar 'n daadwerklike probleem is sal die ouers onmiddellik in kennis gestel word sodat die saak aangespreek kan word. Vanaf kwartaal 2 word daar streng volgens die skool se gedragskode opgetree. Inskrywings word toegeken vir oortredings en detensie word as straf gegee.

ALGEMENE INLIGTING

UITTEKEN PROSEDURES



Veiligheid van ons leerders is **BAIE BELANGRIK!!**
Let asseblief op die korrekte **UITTEKENPROSEDURES** indien
u, u kind vroeër kom uitteken

Stuur 'n **dag voor die tyd** 'n e-pos met die **datum, tyd en rede**
om terrein vroeër te verlaat na u kind se registeronderwyser &
na Me Rochelle van Wyk by ontvangs@lardies.co.za

Die registeronderwyser sal Me Rochelle van Wyk by
ontvangs in kennis stel watter leerders uitgeteken mag word.

Op die betrokke dag moet die ouer die leerder
by die **ADMIN** hek by Waldo kom uitteken.

GEEN ouers word op die terrein toegelaat nie!

GEEN leerder sal uitgeteken word indien 'n
e-pos **NIE** aan die registeronderwyser gestuur is nie



**SAAM VERSEKER ONS, ONS
LARDIES SE VEILIGHEID**